

## Sápmelaččaid mearkabeivvit

<b>Ođđajagimánnu</b>	
Ođđajagibeivi 1.1.	<ul style="list-style-type: none"> <li>❖ Juos ođđajagibeivve vuosttas ija oidnojit valjis násttit, de bohtá buorre luomejahki.</li> <li>❖ Juos leat unnán násttit, de bohtá galbma geassi.</li> </ul>
Heaikkabeivi 19.1.	<ul style="list-style-type: none"> <li>❖ Dáid sulaid beaivváš oidnogohtá Anáris.</li> </ul>
Bávvalbeivi 25.1.	<ul style="list-style-type: none"> <li>❖ Juos Bávvalbeivve lea bivval, de dalle lea maiddá bivvalis dálvi.</li> <li>❖ Juos Bávvalbeivve lea garra buolaš, de dalle lea olles dálvi galmmas.</li> </ul>

<b>Guovvamánnu</b>	
Ginttalbeivi 2.2.	<ul style="list-style-type: none"> <li>❖ Muhtin gálduid mielde guovža jorgala gilgga juo dán muttus áigge.</li> <li>❖ Dolin sápmelaččat beaskidedje sávzzaid dálveulluid.</li> <li>❖ Dolin sápmelaččat dahke Reaisavuona mátkkiset.</li> <li>❖ Dolin sápmelaččat ráhkanišgohte dálvegodebivdui.</li> </ul>
Máhtebeivi 24.2.	<ul style="list-style-type: none"> <li>❖ Dálvi lea beallemuttus dahjege dálvvi čielgi doddjo.</li> <li>❖ Guovža oadđá ain dálvegoadis, muhto dál son jorgala nuppi gilgga ala. Muhtin dieđuid mielde guovža jorggiha nuppi belii juo Ginttalbeivve.</li> <li>❖ Máhtebeivve borggat álget.</li> <li>❖ Dolin álggii rávddu juonasteapmi ja joatkašuvai dassáži go jienat vulge.</li> <li>❖ Njágábivdu lea buot buoremus muttus (lávii nohkat Márjjábeivve).</li> </ul>

<b>Njukčamánnu</b>	
Márjjábeivi	<ul style="list-style-type: none"> <li>❖ Beaivváš báitá "belkogeazes belkogeahčái" (idja ja beivve leat seamma guhkkosaččat).</li> <li>❖ Dološ anáraččat fárrestallagohte dálvebáikkis giđđaoorrunsajiide.</li> <li>❖ Muhtimat vulge mearraguollebivdui Várjjagii ja máhce easkka jonssotbeivve.</li> <li>❖ Juos ovdal Márjjábeivve leat njázut, de bohtá guhkes ja garra giđđa.</li> <li>❖ Juos njázuda easkka Márjjábeivve maŋŋá, de šaddet bivvalis dálkkit ja oanehis giđđa.</li> <li>❖ Juos Márjjábeivve maŋŋá lea velá gassa muohta, de gottit ohcalit duoddarii.</li> <li>❖ Dáid áiggiid bárbmolottit bohtigohtet Sápmái. Sámit dadjet, ahte njuvčča bohtá ja das lea velá állat sealggistis.</li> </ul>

<b>Cuoŋománnu</b>	
12.-14.4.	<ul style="list-style-type: none"> <li>❖ Suv-ijat (Julianus 12.4./Justinus 13.4./Tiburtius 14.4.). Suvvet mearkkaša faskut eret muohttaga. Dalle njázuda.</li> <li>❖ Juos suv-ijat leat čoaskasat, de čoaska dálkkit bistet Irjánbeivvi rádjái.</li> </ul>
Irjánbeivi 23.4.	<ul style="list-style-type: none"> <li>❖ Makkár dálki lea Irjánbeivve, de dakkár lea oppa giđđa.</li> <li>❖ Muhtin sámequovlluin lohket, ahte Irjánbeivi lea maŋimuš suv-idja.</li> </ul>

## Sápmelaččaid mearkabeivvit

<b>Miessemánnu</b>	
Válborbeaivi 1.5.	<ul style="list-style-type: none"> <li>❖ Válborbeaivi riegeáda vuosttas miessi.</li> <li>❖ Válboráigge leat dávjá maid borgadálki, daid gohčodit miesášborgan.</li> <li>❖ Čuonjá bohtá ja buktá vel beštora sealggistis.</li> <li>❖ Anáris fas lohket, ahte beštora bohtá idđes ja čuonjá bohtá eahkes.</li> <li>❖ Juos čuonjá bohtá ovdal Válborbeaivvi, de dálvesiivvut eai bистte šat guhká.</li> <li>❖ Dolin Válborbeaivvis ovddos guvlui álggii guliid giđđabivdu ja dat bisttii jonsotbeaivvi rádjái.</li> </ul>
Ruosmmesbeaivi 3.5.	<ul style="list-style-type: none"> <li>❖ Juos ruosmmesbeaivve njázuda, de farga lea geassi.</li> <li>❖ Juos ruosmmesbeaivve čoaskkeđa, de dalle galbmadálkkit joatkašuvvet 40 beaivvi ovddos guvlui.</li> <li>❖ Ruosmmesbeaivvis ovddos guvlui álddud guoddigohtet, danin muhtin guovllus gohčodit dán miessebeaivin.</li> </ul>
Erkkebeaivi 18.5.	<ul style="list-style-type: none"> <li>❖ Giehka guhkká, čukčá gihká, ruksesmiessi ruovgá, máihlečáhci golgá, beassi njalla, soavvil gođđá ja gumpe ráhkada vielpáid, dadje dološ anáraččat.</li> <li>❖ Juos Erke bohtá báiddiin, de Urbán bohtá dorkkain.</li> <li>❖ Juos Erke bohtá dorkkain, Urbán bohtá báiddiin.</li> <li>❖ Moadde vahku Erkkebeaivvis ovddos guvlui vuskkon, hávga ja soavvil gođđagohtet.</li> </ul>
Urbánbeaivi 25.5	<ul style="list-style-type: none"> <li>❖ Juos Erke bohtá báiddiin, de Urbán bohtá dorkkain.</li> <li>❖ Juos Erke bohtá dorkkain, Urbán bohtá báiddiin.</li> </ul>

<b>Geassemánnu</b>	
21.6. Geassejagi-jorggáldat	<ul style="list-style-type: none"> <li>❖ Beaivi báita birra jándora. Beaivi jorggiha fas seavdnjada guvlui. Beavečuovga oatnugohtá gitta dálvejagi-jorggáldat rádjái.</li> </ul>
Jonsotbeaivi	<ul style="list-style-type: none"> <li>❖ Makkár dálki lea jonsotbeaivve, de dakkár lea gitta Jágátbeaivvi rádjái.</li> <li>❖ Jonsotvahkus bohtásat gilvojuvvojit ja meahccejávrrin bivdu álggii.</li> <li>❖ Čuoika bohtá jonsotdiidda vaikko guvttiin soppiin ja dan dihte boazu bálgagohtá ja geassemearkumat besset álgit.</li> <li>❖ Jonsotbeaivvis ovddos guvlui luitojuvvojit maŋimušge vuojánat meahccái.</li> </ul>
Jonsotvahku	<ul style="list-style-type: none"> <li>❖ Jieknjaváldinbieggan gohčodit garra dálkkiid, garra biekkaid, mat bossot jienjaid eret jávrrin ja jogain.</li> </ul>

<b>Suoidnemánnu</b>	
18.-24.7.	<ul style="list-style-type: none"> <li>❖ Nissoniid vahku, dalle dadjet álot arvit.</li> </ul>
23.7. - 23.8.	<ul style="list-style-type: none"> <li>❖ Beatnatbeaivvit dahje Mieskamánnu: Dolin olbmot jáhkke, ahte beatnagat buohcagohte ja snuđđugohte "mieskamánus" ja dan dihte borre suinniid ja šattuid vai dearvvasmuvašedje.</li> <li>❖ "Mieskamánnu" lei geasi lieggasamos áigi ja dadje, ahte dalle hávit sidjot herkket ja buorráneapmi bistá guhká.</li> <li>❖ Mайдái borramušat billašuvvet, juos ii leat geallir dahje jieknaskáhpe.</li> </ul>
Jágátbeaivi 25.7.	<ul style="list-style-type: none"> <li>❖ Vuskkona vuodjan lea buoremus muttus ja dalle goddá buot stuorimus vuskkoniid.</li> <li>❖ Jágátbeaivve sulaid dološ olbmot bivdigohte lábmečuotnjáigiid.</li> <li>❖ Jágátbeaivve giehka boakčána luopmániidda ja dat heaitá guhkkámis.</li> <li>❖ Beassegiissá dahje beassegore galgá ráhkadit ovdal dán beaivve go dán beaivvi maŋjá beassi ii šat lanja nu bures.</li> </ul>

## Sápmelaččaid mearkabeaivvit

	<ul style="list-style-type: none"> <li>❖ Vahku ovdal Jágátbeaivve dološ anáraš badjeolbmot rátke bohccuideaset ja álggahedje bahčima. Anáraš kalender mielde davvesápmelaččat álggahedje rátkimiid ja bahčima vahku Jágátbeaivve maŋŋá.</li> </ul>
Nagirbeaivi 27.7.	<ul style="list-style-type: none"> <li>❖ Juos nagirbeaivve lea arvvesdálki, de seammalágan dálkkit bistet 7 vahku.</li> <li>❖ Juos nagirbeaivve lea buorre dálki, de beaivvadagat bistet 7 vahku.</li> </ul>
Olssotbeaivi 29.7.	<ul style="list-style-type: none"> <li>❖ Dološ badjeolbmot álge ozadit vuojániiddiset.</li> <li>❖ Luomi láddagohtá ja dološ olbmot álge ládjobargguide. Dál ferte maid čuohppagoahtit gámasuinniid</li> </ul>

<b>Borgemánnu</b>	
Lávrebeaivi 10.8.	<ul style="list-style-type: none"> <li>❖ Dábálaččat vuosttamus buolašidja. Jus lea liekkas, de olles čavčča leat liehmut. Dápmot ja rávdu gođđagohtet davimus guovlluin.</li> </ul>
Ivvárbeaivi 22.8.	<ul style="list-style-type: none"> <li>❖ Juos Ivvárija lea eana bihcon, de bohtá guhkes ja čáppa čakča.</li> </ul>
Bárdebeaivi 24.8.	<ul style="list-style-type: none"> <li>❖ Bárdebeaivahkku, mas čakča álgá: Vuosttamuš soagit ruškkodit ja iđdes eana lea dávjá bihcon.</li> <li>❖ "Bárdebeaivvi dálkkit" dahje garra biekkat ja arvves dálkkit.</li> <li>❖ Makkár dálki lea Bárdebeaivve, de dakkár dálkkit leat oba čavčča.</li> </ul>
Borgemánu maŋimuš vahkku	<ul style="list-style-type: none"> <li>❖ Hopmil-/Opmir- dahje Opmilvahkkunge dán vahkku gohčodit.</li> <li>❖ Anáraš kalender mielde álget nammavahkut ja dat lea nammavahkuid vuosttamus vahkku. Dás álggii boazojahki ja vuskkona meadđemat maiddái álget leat borahahtti.</li> </ul>

## Sápmelaččaid mearkabeavvit

<b>Čakčamánu</b>	
Čakčamánu 1. vahkku	<ul style="list-style-type: none"> <li>❖ Gilde-Márjjavahkku</li> <li>❖ Ruškki áigi: Rássi álgá gildit dahjege guvggodišgohtit ja massit ruonasivnni.</li> <li>❖ Anáraš kalender mielde rávdu ja dápmot gođđet dán muttus ja eanaš geasselottit ráhkkanisgohtet bárbmui vuolgit.</li> <li>❖ Bohccuid bálgan nohká ja vuorkámurjjiid čoaggin álgá.</li> </ul>
8.9. Márjjámeassu	<ul style="list-style-type: none"> <li>❖ Boares girkolaš bassi, mii basuhuvvui nieida Márjjá riegádanbeavvi muitun.</li> </ul>
Čakčamánu 2. vahkku	<ul style="list-style-type: none"> <li>❖ Biharistavahkku</li> <li>❖ Čakča álgá ja čoaska dálkkit sáhttet boahit.</li> <li>❖ "Lastaváldinbiekkat" dahje "lastariđđut" dahje garra arvvit ja šlahttit, mat gaikot lasttaid muorain.</li> <li>❖ Dolin anáraččat lávejedje ávvudit Veesnái-vahku. Dat lei čakčamánu 14. - 20. beaivái ja dalle lávejedje vuolgit márkaniidda.</li> <li>❖ Dán áigge dát lea dušše ortodoksaid ávvuvahkku, Veesnái-vahkku.</li> <li>❖ Dolin buđehiid galgai bajidit ovdal Veesnái-vahku loahpa.</li> </ul>
Čakčamánu 3. vahkku	<ul style="list-style-type: none"> <li>❖ Áhtemasvahkku. Dalle eai láve leat biekkat ja lea goalki. Dán gohčodit maiddái Máhtesmeassovahkkun ruški lea buot bahámus muttus, eanalottit hirrasat ja guolli báhtara čiekŋalassii.</li> <li>❖ Álgorat. Sarvát cakkadišgohtet njiŋnelasaid sierra ja nuppiid varrásiid sierra.</li> </ul>
Čakčamánu maŋimuš vahkku	<ul style="list-style-type: none"> <li>❖ Mihkkalmasvahkku. Dán muttus láve dávjá borga ja dan gohčodit Mihkkalmasdálvin.</li> </ul>
Mihkkalmasbeaivi 29.9.	<ul style="list-style-type: none"> <li>❖ Juos Mihkkalmasbeaivve lea liehmu, de bivvalis dálkkit bistet oppa ragatáigge.</li> <li>❖ Čuonji fárra máttás ja roabát goargŋu johkii gođđat.</li> <li>❖ Juos čuonji girdá nuorttas, de boahá guhkes ja nuoskkes čakča.</li> </ul>

<b>Golggotmánu</b>	
Golggotmánu 1. vahkku	<ul style="list-style-type: none"> <li>❖ Mihkkalmasvahkku joatkašuvvá.</li> <li>❖ Jus dáid muttuid lea borga, dan gohčodit Mihkkalmasdálvin. Dábálaččat muohta ii láve bissut.</li> <li>❖ Jus dál borgá moadde jándora, de šaddá čáppa skábma.</li> </ul>
Golggotmánu 2. vahkku	<ul style="list-style-type: none"> <li>❖ Birggetvahkus Sámis láddot galbmogohtet ja dáid sulaid lávejit njuoska dálkkit; arvvit, šlahttit, borggat ja biekkat.</li> <li>❖ Ragat buot buoremus muttus ja čuovža gođđagoahá.</li> <li>❖ Sámis lávejit dadjat, ahte jus ii ovdal leat njázudan, de goit Birggetvahkus njázuda.</li> </ul>
Golggotmánu 3. vahkku	<ul style="list-style-type: none"> <li>❖ Dálvejivahkku dahje dálvevahkku. Dálveija (14.10) álget bosodit davve- ja davvenuortabiekkat. Dás duohko álget čakčabuollašat ja dábálaččat dán vahkus leat buolaš- ja goikedálkkit.</li> <li>❖ Rievssat lea molson dálveivnni nappo dolggit leat čeaskadat.</li> <li>❖ Njukča ja állat leat maŋimuš lottit, mat vulget Sámis bárbmui.</li> </ul>
Golggotmánu 4. vahkku	<ul style="list-style-type: none"> <li>❖ Oarrevahkku. Ursula beavvi (21.10) oarri lea molson geassedorkkas dálvedorkan.</li> <li>❖ Dolin go olbmot gávppašedje oarri náhkiiguin, de Ursula beaivve maŋná oarri dálvedorka lei ránodan ja lei dohkálaš vuovdimassii.</li> </ul>
Golggotmánu maŋimuš vahkku	<ul style="list-style-type: none"> <li>❖ Simonvahkku lea jaskes boazovahkku, go dálkkit čoaskugohtet, dalle eai šat dološolbmot láven mearkut misiid. Geažotbeljiid sáhtte gal guolgamerket ja giđđat de čuohppat bealljemearkka.</li> <li>❖ Luossagođđu nohká.</li> <li>❖ Dalle navdet leat bivvalis dálkkit.</li> </ul>
Simonbeaivi 28.10.	<ul style="list-style-type: none"> <li>❖ Juos Simonbeaivve lea bivval, de lea oppa dálvi liehmu.</li> </ul>

## Sápmelaččaid mearkabeivvit

❖ Juos Simonbeaivve leat buot lasttat gahččan muorain, de dalle lea Válborin bievla.
--------------------------------------------------------------------------------------

Skábmamánnu	
Skábmamánu 1. vahkku	<ul style="list-style-type: none"> <li>❖ Hállemasvahkku</li> <li>❖ Dálvi álgá.</li> <li>❖ Ragat nohká Hállemasbeaivái.</li> <li>❖ Dolin juonasteapmi álggii hállemasvahkus ja áldduid bahččin nogai.</li> <li>❖ Čuovžžaid gođđu lea buoremus muttus.</li> <li>❖ Dološ anáraččat máhcce čakčagoddebivddus.</li> <li>❖ Hállemasnjáhcun gohčodit dan go dáid áiggiid njázuda ja lea bivval.</li> </ul>
Ándenbeaivi 30.11.	❖ Dolin go mádjit vel elii ja lei valjis, de mádjitbivdu álggii dáid muttuid.

Juovlamánnu	
Oppa juovlamánnu	<ul style="list-style-type: none"> <li>❖ Dolin olbmot vuoiŋgastedje juovlamánus, go lei nu seavdnjat ja buolaš.</li> <li>❖ Bohccuide ii dárbbášan guođohit go lei nu assás muohta, ahte dat bisso dihto sajiin.</li> <li>❖ Go lei astu, de olbmot gallestalle dávjá ránnjádáluin.</li> </ul>
22. beaivi	<ul style="list-style-type: none"> <li>❖ Dálvejagi-jorggáldahkan beaivi fas guhkkugoahhtá ja jorggiha čuovgada guvlui. Lávejit dadjat, ahte juohke beaivi guhkku beaivi ovttain rievssatlávkkiin.</li> <li>❖ Go beaivi jorggiha, dalle rievdá dálki. Dávjá šaddet bivvalis dálkkit.</li> </ul>
31. beaivi	<ul style="list-style-type: none"> <li>❖ Ođđabeaivveruohtta lea jagi maŋimuš beaivi.</li> <li>❖ Jus almmis oidnojit ollu násttit, de šaddá buorre luomejahki. Galgá maiddái muitit guđe guovllus leat eanemus násttit, doppe šaddet maiddái ollu luopmánat.</li> </ul>

### Gáldut:

Anarâš kalender 1996 & 2013 (čohkken Heli Aikio & Ilmari Mattus).

Girjjo-Gárjjo –muitalusat, máidnasat, sátnevádjaset, árvádusat ja diiddat (čállii Káren Elle Gaup).

Jahki Sámis, Luondduolbmo birgen (čállii Marit Mikkelsdatter Eira Murud) ja Vuotuinen ajantieto (čállii Kustaa Vilkuna).